



XUNTA DE GALICIA

CONVENIO DE COLABORACIÓN ENTRE A CONSELLERÍA DE MEDIO AMBIENTE E ORDENACIÓN DO TERRITORIO E O CONCELLO DE SAN CIBRAO DAS VIÑAS PARA A “FINALIZACIÓN DOS TRABALLOS DE REVISIÓN DA REDACCIÓN DO PLAN ESPECIAL DO POLÍGONO INDUSTRIAL DE SAN CIBRAO DAS VIÑAS”

En Santiago de Compostela, a 28 de xuño de 2017

REUNIDOS

Dunha parte, a Sra. D^a. Beatriz Mato Otero, Conselleira de Medio Ambiente e Ordenación do Territorio da Xunta de Galicia, nomeada polo Decreto 148/2016, do 13 de novembro, no exercicio das atribucións que lle confire o artigo 34 da Lei 1/1983, do 22 de febreiro, de normas reguladoras da Xunta e da súa Presidencia

Pola outra parte, D. Manuel Pedro Fernández Moreiras, Alcalde-Presidente do Concello de San Cibrao das Viñas, no exercicio das atribucións conferidas no artigo 21 da Lei 7/1985, do 2 de abril, reguladora das Bases de réxime local.

Ámbalas dúas partes recoñécense mutuamente, na calidade en que interveñen, capacidade legal suficiente para o outorgamento deste convenio e para o efecto,

EXPOÑEN

I.- A Xunta de Galicia, a través da Consellería de Medio Ambiente e Ordenación do Territorio, ten atribuídas competencias específicas en materia de urbanismo entre as que se atopan, en relación cos plans especiais, a emisión do informe preceptivo e vinculante no que se refire ao control da legalidade e tutela dos intereses supramunicipais, así como o cumprimento das determinacións establecidas nas directrices de ordenación do territorio e dos plans territoriais e sectoriais.

Entre as labores de fomento cabe sinalar as ordes anuais polas que se regula a concesión de axudas a entidades locais para formulación de planeamento urbanístico

II.- O polígono de San Cibrao, creado no ano 1965, está situado na localidade ourensá que lle dá o nome, San Cibrao das Viñas, a 10 quilómetros da cidade de Ourense.

Ocupa unha superficie bruta de 3.250.000 metros cadrados, dos que 2.500.000 metros cadrados se destinan a solo industrial, 293.910 metros cadrados a zonas verdes, 116.400 metros cadrados a superficie social e o resto da superficie destínanse a viarios e aparcadoiro.





XUNTA DE GALICIA

Ao longo de todos estes anos fóronse instalando empresas, ata chegar a superar as 320 firmas con actividades como industrias químicas, industrias de transformación da madeira, construción, automoción, industria téxtil e outras actividades.

III.-Ao abeiro do convenio asinado en data de 29 de xuño de 2013, financiouse ao 50% a revisión do citado Plan Especial ata a fase de aprobación inicial coas seguintes achegas:

<u>Anualidades</u>	<u>Importes das achegas</u>	
	<u>Concello</u>	<u>Xunta</u>
2013	19.965,00 €	19.965,00 €
2015	39.930,00 €	39.930,00 €
<u>TOTAIS</u>	<u>59.895,00 €</u>	<u>59.895,00 €</u>



Durante a tramitación do Plan Especial e como consecuencia disto, xurdiu a obrigatoriedade da modificación puntual do Plan Xeral de Ordenación Municipal. Este feito, dada a complexidade da tramitación en paralelo das dúas figuras de planeamento, supuxo un atraso considerable no cumprimento da programación establecida para execución dos traballos e a aprobación definitiva do Plan.

Como queira que para continuar coa tramitación do citado documento ata acadar a súa aprobación definitiva o concello precisa de colaboración financeira para acadar o obxectivo pretendido.

Trátase da colaboración no financiamento dunha actuación en execución, e que ten amparo legal no disposto nos artigos 2.1 b) da Lei 9/2007, do 13 de xuño, de subvención de Galicia e 2.2 b) do seu Regulamento, aprobado polo Decreto 11/2009, do 8 de xaneiro.



Polo exposto, a Consellería de Medio Ambiente e Ordenación do Territorio, no exercicio das súas competencias, e o Concello de San Cibrao das Viñas, no exercicio das que lle atribúe a súa lexislación específica, manifestan a súa vontade de formalizar unha colaboración, a través dun convenio que se estrutura nas seguintes

CLÁUSULAS

PRIMEIRA. OBXECTO

O obxecto do presente Convenio é establecer as bases de colaboración e cooperación técnica e económica entre a Xunta de Galicia e o Concello de San Cibrao das Viñas para



XUNTA DE GALICIA

“finalizar os traballos de revisión do Plan Especial do Polígono Industrial no concello de San Cibrao das Viñas, con un orzamento total de trinta e nove mil novecentos trinta euros (39.930,00 €).

SEGUNDA. COMPROMISOS DA XUNTA DE GALICIA

A Xunta de Galicia, a través da Consellería de Medio Ambiente e Ordenación do Territorio, asume os seguintes compromisos:

1.- Contribuír o financiamento, das actuacións descritas na cláusula primeira, cunha achega de como máximo de trinta e nove mil novecentos trinta euros (39.930,00 €), equivalente ao 50% do custo das fases pendentes para a aprobación do Plan Especial do Polígono Industrial, con cargo a aplicación orzamentaria 07 04 521A 7600 dos orzamentos xerais da Comunidade Autónoma, con cargo a anualidade 2017.

Os aboamentos da achega da axuda efectuarase do seguinte xeito:

- a) **19.965,00** euros, logo de certificada a aprobación provisoria do plan polo órgano municipal competente
- b) **19.965,00** euros, logo da aprobación definitiva do plan pola Consellería de Medio Ambiente e Ordenación do Territorio


O cumprimento das fases anteriormente indicadas, acreditarase conforme ao establecido no apartado cinco da cláusula terceira

2.- A Consellería asumirá, ata o límite establecido no apartado 1 desta cláusula, o custo da redacción do Plan Especial do Polígono Industrial, unha vez que polo Concello se presenten as correspondentes certificacións de execucións dos traballos segundo as fases establecidas no contrato asinado polo Concello de San Cibrao das Viñas para a redacción do documento. Os aboamentos parciais que, no seu caso, se efectúen, non superarán o 80% do importe da axuda.

3.- A Consellería de Medio Ambiente e Ordenación do Territorio, reservase o dereito de inspeccionar a execución dos traballos en calquera momento, durante a súa execución.

4.- Nomear, se fora o caso, de entre os seus funcionarios, a un grupo de traballo que dedicará unha especial atención ao desenvolvemento das actuacións establecidas neste convenio para a eficaz culminación da finalidade do mesmo.

5.- Para os efectos do previsto no artigo 27 da Lei 9/2007, do 13 de xuño, de subvencións de Galicia, autorízase ao Concello de San Cibrao das viñas, beneficiario da subvención, para que subcontrate ata o 100% do importe dos traballos necesarios para a redacción do instrumento de planeamento obxecto do presente convenio. Tal autorización considérase concedida sen prexuízo, se é o caso, do cumprimento das previsións que establecen os números 3º e seguintes do devandito artigo 27





XUNTA DE GALICIA

TERCEIRA. COMPROMISOS DO CONCELLO DE SAN CIBRAO DAS VIÑAS.

O Concello de San Cibrao das Viñas asume as seguintes obrigas:


- 1.- Efectuar a aprobación definitiva do documento do **Plan Especial do Polígono Industrial**.
- 2.- Facilitarlle o acceso a todo tipo de información, que teña relación co obxecto do presente acordo, á Consellería de Medio Ambiente e Ordenación do Territorio.
- 3.- Contribuír ao financiamento do custo total estimado do contrato cunha achega de **trinta e nove mil novecentos trinta euros (39.930,00 €)** equivalente ao 50% do importe total investimento previsto. O libramento efectuarao o concello, xunto ou previo ó correspondente da Consellería de Medio Ambiente e Ordenación do Territorio, en cada fase cumprida, segundo o establecido no apartado 1 da cláusula segunda.

Así mesmo, o concello de San Cibrao das Viñas asume a obriga de financiar a súa conta exclusiva, se fora o caso, os posibles modificados do contrato, contratos complementarios, liquidacións e/ou revisións de prezos que se puideran producir.

4.- Para os efectos do previsto no artigo 30.2 da Lei 9/2007, de 13 de xuño, de subvencións de Galicia, a orde da Consellería de Medio Ambiente e Ordenación do Territorio pola que se outorgue a aprobación definitiva do Plan Xeral e a posterior entrega na Dirección Xeral de Ordenación do Territorio e Urbanismo dun exemplar do documento aprobado debidamente dilixenciado, será requisito suficiente como xustificación plena de execución dos traballos obxecto da axuda.

5.- Realizar ante a Dirección Xeral de Ordenación do Territorio e Urbanismo a correspondente rendición da conta xustificativa do cumprimento das condicións e consecución dos obxectivos da axuda, presentando para isto a seguinte documentación:

(i) Copia compulsada dos xustificantes de gasto, certificacións ou calquera outro documento con validez xurídica que permita acreditar o cumprimento da finalidade da subvención. En relación co contido do artigo 29.2 da Lei 9/2007, do 13 de xuño, de subvencións de Galicia, DOG de 25 de xuño de 2007, faise constar para o presente acordo a excepción de consideración de gasto realizado igual ao gasto efectivamente pagado. A estes efectos, terase en conta que se considera gasto realizado, o que foi efectivamente certificado pola intervención ou do órgano que teña atribuídas as facultades de control da toma de razón en contabilidade e do cumprimento da finalidade para a que foi concedida a subvención (art. 28.5 da Lei 9/2007, do 13 de xuño, de subvencións de Galicia). Así mesmo, a entidade local beneficiaria deberá acreditar, dentro do prazo de un (1) mes contado a partir da data de recepción dos fondos da axuda, ante a Dirección Xeral de Ordenación do Territorio e Urbanismo o pagamento dos fondos ao/s contratista/s que executaron ou as obras ou servizos obxecto do presente acordo.





XUNTA DE GALICIA

(ii) Certificación ou acto de aprobación/conformidade do órgano municipal que corresponda.

A data límite de presentación da referida documentación de xustificación do gasto nas dependencias citadas, establécese no día 15 de decembro de 2017.

6.- Facilitar, se fose o caso, toda a documentación que requira a Intervención da Comunidade Autónoma, o Tribunal de Contas e o Consello de Contas de Galicia, no exercicio das súas funcións de fiscalización e control do destino das axudas obxecto do presente acordo.

7.- Comunicar a Dirección Xeral de Ordenación do Territorio e Urbanismo, se fose o caso, as alteracións nas condicións tidas en conta para a concesión da axuda obxecto do presente acordo e, en todo caso, a obtención concorrente de subvencións ou axudas outorgadas por outras administracións, entes públicos ou privados, nacionais ou internacionais aos efectos de propoñer, se procedera, á modificación das condicións establecidas neste convenio.

8.- Reintegrar á Comunidade Autónoma, de acordo co artigo 33 da Lei 9/2007, a cantidade total ou parcial da axuda establecida neste convenio, e os xuros de demora que no seu caso correspondan dende o momento do seu pagamento, para o caso de incumprimento das condicións nel establecidas.

9.- Asumir, pola súa consideración de beneficiario segundo o artigo 11 da Lei 9/2007, todas as obrigas que, para o mesmo, establece o citado artigo.

10.- A concesión de axudas deste convenio queda supeditada ao cumprimento da normativa vixente. De acordo co disposto no artigo 40.1º, letra d) do Decreto 11/2009, a achega económica será compatible con outras subvencións, ingresos ou recursos para a mesma finalidade, procedentes de calquera Administración ou entes públicos ou privados, nacionais, da Unión Europea ou e organismos internacionais.

11.- O Concello de San Cibrao das Viñas presta expresamente o seu consentimento para que se lle de, ao presente convenio, a publicidade que establecen os apartados 1 e 2 do artigo 15 da Lei 1/2016, do 18 de xaneiro, de transparencia e bo goberno, na forma establecida, e nos rexistros públicos regulados no Decreto 132/2006, do 27 de xullo, rexistros creados polos artigos 44 e 45 da Lei 7/2005, do 21 de decembro, de orzamentos xerais da Comunidade Autónoma de Galicia para o ano 2006. Polo tanto, o convenio será obxecto de publicación na páxina Web oficial con expresión da contía e a súa finalidade, de acordo co disposto na citada normativa.

12.- Nomear, se fose o caso, de entre os seus funcionarios, a un grupo de traballo que dedicará unha especial atención ó desenvolvemento e seguimento das actuacións establecidas neste convenio mailo seguimento dos prazos estipulados no correspondente contrato de execución.





XUNTA DE GALICIA

CUARTA.- PROCEDIMIENTO DE XESTIÓN

A Consellería de Medio Ambiente e Ordenación do Territorio, a través da Dirección Xeral de Ordenación do Territorio e Urbanismo financiará as actuacións ata un máximo de **trinta e nove mil novecentos trinta euros (39.930,00 €)**, que fará efectivos mediante transferencia bancaria ao concello de San Cibrao das Viñas, contra a presentación por este das certificacións dos traballos executados, segundo as fases previstas no contrato. Non obstante, poderán efectuarse aboamentos parciais ata o 80% da porcentaxe subvencionada, logo da presentación das correspondentes xustificacións e o cumprimento dos requisitos definidos nos puntos (i) e (ii) do apartado 5 da cláusula terceira.

Unha vez rematados os traballos obxecto do acordo, por parte do concello deberá ser xustificado o cumprimento das condicións da execución e a consecución dos obxectivos previstos, na forma establecida nos artigos 28 e 29 da Lei 9/2007. A referida xustificación consistirá, entre outras, na certificación da intervención, ou do órgano que teña atribuídas as facultades de control, acreditando o cumprimento da finalidade para que foi outorgada.

Asemade, de conformidade co disposto no apartado 6 do artigo 28 da Lei 9/2007, se fora o caso que, a actividade se financiara ademais de coa subvención con fondos propios, ou outras subvencións ou recursos, deberá acreditarse na xustificación o importe, procedencia e aplicación de tales fondos ás actividades subvencionadas. O incumprimento desta xustificación, ou a súa insuficiencia, implicará o reintegro desta axuda, nos termos fixados no artigo 33 da Lei 9/2007.



A Consellería de Medio Ambiente e Ordenación do Territorio, a través da Dirección Xeral de Ordenación do Territorio e Urbanismo limitará, en todo caso, a súa achega económica ao pactado no presente convenio, polo que non asumirá os aumentos que se puideran producir, limitándose a súa contribución económica aos límites pactados no presente convenio.

QUINTA.- RELACIÓN LABORAL ENTRE AS PARTES

A subscrición do presente convenio non implica relación laboral, contractual ou de calquera tipo, entre os profesionais que desenvolvan as actividades e a Consellería de Medio Ambiente e Ordenación do Territorio, de tal xeito que non se lle poderá esixir responsabilidade ningunha, nin directa, nin subsidiaria, polos actos ou feitos ocorridos no desenvolvemento deste. En consecuencia, o concello asumirá a posición de empresario ou contratante verbo de tales profesionais, e asumirá en exclusiva as obrigas e responsabilidades legais que a normativa legal e convencional lle impón verbo destes.

SEXTA.- COMISIÓN DE SEGUIMENTO.

Para o impulso, seguimento e interpretación das accións establecidas no presente convenio crease unha comisión, que propondrá ás partes a resolución das controversias





XUNTA DE GALICIA

que resulten respecto da súa execución, integrada por catro membros, dous por cada unha das partes asinantes do presente documento. Pola Consellería de Medio Ambiente e Ordenación do Territorio formarán parte da mesma, a Directora Xeral de Ordenación do Territorio e Urbanismo ou persoa en quen delegue, e o Subdirector Xeral de Urbanismo. Polo Concello de San Cibrao das Viñas a comisión integrarana o Alcalde ou persoa en quen delegue, e o Concelleiro responsable da área de Urbanismo.

SÉTIMA.- OBRIGAS TRIBUTARIAS E DE ORDE SOCIAL

En aplicación do establecido no artigo 11 f) do Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia, a entidade local aportará, con carácter previo á sinatura do presente acordo e tamén, xunto coa documentación xustificativa que dea lugar aos pagamentos previstos na cláusula segunda, a oportuna declaración responsable de estar ao día no cumprimento das obrigas tributarias e fronte á Seguridade Social e de non ter pendente de pagamento ningunha outra débeda coa Administración pública da Comunidade Autónoma.

OITAVA.- PUBLICIDADE

A sinatura do presente convenio suporá o consentimento expreso das partes asinantes para incluír e facer públicos os datos persoais que consten no convenio, e mailo resto de especificacións contidas no mesmo, de conformidade co artigo 15 da Lei 1/2016, do 18 de xaneiro, de transparencia e bo goberno (DOG nº 30 do 15 de febreiro) e o Decreto 126/2006, do 20 de xullo, polo que se regula o rexistro de convenios da Xunta de Galicia (DOG nº 149 do 3 de agosto).

NOVENA.- VIXENCIA DO CONVENIO

O convenio será efectivo a partir da data da súa sinatura e terá a duración precisa para a completa execución das actuacións nel recollidas.

En todo caso, a eficacia deste convenio estenderase ata o 31 de decembro de 2017.

DÉCIMA.- NATUREZA, LEXISLACIÓN APLICABLE, INTERPRETACIÓN E INCUMPRIMENTOS

1.- Este convenio de colaboración ten natureza administrativa, rexendo na súa interpretación e desenvolvemento o ordenamento xurídico-administrativo. A xurisdición competente para resolver as cuestións litixiosas que poidan xurdir é a contencioso-administrativa.

2.- Para o non previsto no presente convenio, resultará de aplicación a Lei 9/2007, do 13 de xuño, de subvencións de Galicia e o seu Regulamento, aprobado polo Decreto 11/2009, do 8 de xuño, e o Decreto 193/2011, de 6 de outubro, polo que se regulan especialidades nas subvencións ás entidades locais galegas.

3.- O incumprimento de calquera das cláusulas do presente Convenio constituirá causa suficiente de resolución do mesmo.





XUNTA DE GALICIA

O presente Convenio obriga ó cumprimento do expresamente pactado, someténdose ámbalas dúas partes ao acordado en todas as estipulacións.

E para que así conste, en proba de conformidade coas cláusulas deste convenio, asinan as partes o presente documento por triplicado exemplar, no lugar e data do encabezado.

Pola XUNTA DE GALICIA
A Conselleira de Medio
Ambiente e Ordenación do Territorio

Polo CONCELLO DE SAN CIBRAO
DAS VIÑAS
O Alcalde



Beatriz Mato Otero



Manuel Pedro Fernández Moreiras